

Gälluwan Atuq

El zorro con el gallo



Quechua de Margos – Yarowilca – Lauricocha,
Huánuco

© 2018 Asociación Cristiana JAWCA
Pasaje San Mateo, Lote 05, La Esperanza — Amarilis
Huánuco — Perú — 2018

Ilustrador: Jhonel Rosales Córdova



Kay wilapa manami Perupitatsu kaykan, sinöqa Europapitami kaykan. Tsaymi kay wilapaqa Quechua wilapanötsu mana kaykan. Quechua wilapachöqa atuq manami imaypis gänantsu. Kay wilapachömi itsanqa perdinanpa trukana atuq gänan. Imano kaptinpi kay wilapa alimi kaykan yachakunantsipaq.

Juk runapashi kuyaylapaq jatunkaray wera shaqsha gällun karqan. Tsay gällunshi wayi waqtalancho imaypis cantar ichiraq. Tsaycho cantayta ajayarkurshi juk junaq yarpachakurqan kayno nir: — Kaylacho waran waran cantayta ajayäkushqänami.

Tsayno yarpachakurkurshi wayinpita mas wak läduman aywashqancho tarirqan juk jatun yörata. Tsayshi nirqan: —

Kananqa kay yöraman witsäshaq tsaycho waräwa cantanäpaq.

Tsayshi tsay yöraman witsarkur waräwa cantaykarqan. Tsaycho cantaykaptinshi juk atuq yöra sikipa yurirkamurqan. Tsayshi atuqqa gälluta rikaykur kayno nirqan: —; Wanush diyash, tayta gällu! Qamqa lapan gällupitapis mas kuyayllapaqmi cantanki. ; Tsayno cantaptiki wakin gällukunapis imaraq chikipäshunki! Tsay yöracho cantarpis kuyayllapaqmi cantanki. Yörapita pampaman urarkamur cantarqa mas kuyayllaxapaqmi cantankiman.

Tsayno alabaptinshi upa aywashqa gälluqa kushishqa “rasunpachari kuyayllapaq cantaykä” nir pampaman pärimurqan. Pampachöpis sapsapyarkur waräwashi atuqpa nawpacho cantarqan. Tsayno cantaptinshi atuqqa kayno nirqan: —Qamqa

lapan gällupitapis mas kuyayllapaqmi cantanki. Kananqa mä, jukaq nawikita qepishtakurkur cantarkuy.

Atuq tsayno niptinshi jukaq nawinta qepishtarkur gällu cantarqan. Tsayno cantaptinshi atuqqa kushikushpan chupanpis waskaypa waskar qatswarqan.

Nirkurshi gälluta kayno nirqan: — Kuyayllapaq cantaptikimi pasaypa kushikur qatswashqä. Kananqa mas qatswarkunäpaq ishkan nawikita qepishtakurkur yapay cantarkuy, papä.

Tsayno niptinshi ishkan nawinta qepishtakurkur gälluqa älanta sapsapyarkur kushishqa cantarqan. Tsayno cantaykaqtashi atuqqa kunkapita amukurkurqan. Nirkurnashi gälluta sapsapyaykaqta apakurqan.

Yachatsikuy: Pipis alabashushpayki
imatapis ruratsiyta munashuptikiqa
ama lutalaqa ruraytsu.